

समे – 12:25

<><><><><><>

Budget Session

संसद दा बजट सत्र इस म्हीने दी 31 जनवरी थमां शुरू होआ'रदा ऐ। राष्ट्रपति द्रौपदी मुर्मू होर लोकसभा ते राज्यसभा दे सांझें इजलास गी 31 जनवरी गी संबोधत करगंन। वित्त मंत्री निर्मला सीतारमण होर पैहली फरवरी गी राष्ट्र दा बजट पेश करगंन। बजट सत्र दा पैहला गेड़ इस म्हीने दी 31 तरीक थमां शुरू होइयै 13 फरवरी तगर चलोग ते एहदा दूआ गेड़ 10 मार्च थमां शुरू होइयै 4 अप्रैल तोड़ी चलोग।

<><><><><><>

PM-Man Ki Baat

प्रधानमंत्री नरेन्द्र मोदी होर देश ते देश दे बाहर रवा'रदे लोकें कन्नै कल "मन की बात" कार्यक्रम राएं अपने बचार सांझा करगंन। कल दे कार्यक्रम दी कड़ी इस म्हीनावार प्रसारत होने आले कार्यक्रम दी 118मीं कड़ी होग।

<><><><><><>

Announcement

आकाशवाणी जम्मू दे खेत्तरीय समाचार एकांश आसेआ कठुआ जिले लेई अंशकालिक संवाददाता लेई दरखास्तां मंगियां गेइयां न। इच्छुक आवेदक जेदी उमर 24 थवां 50 बरें दे बश्कार ऐ ते ओह कठुआ जिले दा रौहने आहला ऐ, इस लेई आवेदन करी सकदा ऐ। मेदवार कश पत्रकारिता च पी.जी डिप्लोमा, डिग्री या कुसै बी पंजीकृत यूनिवर्सिटी थवां ग्रैजुएशन ते पत्रकारिता च 2 बरें दा अनुभव होना लोड़चदा। मेदवार गी कम्प्यूटर खबर बनाने, मीडिया कवरेज दा अनुभव सने सरबंधी लोड़चदे उपकरण दा इस्तेमाल बी करना आना चाइदा। आवेदक जिला सदर दफ्तर दी 10 किलोमीटर दी हद दे दे अंदर-अंदर रोहंदा होना चाइदा। दरखास्त ते लोड़चदे दस्तावेज दी कॉपी मेदवार गी खेत्तरीय समाचार एकांश आकाशवाणी पंजतीर्थी जम्मू पिन कोड 18000 पर 15 फरवरी 2025 थवां पैहले-पैहले आइए जमा करोआनी होग। इस बारै व्यापक जानकारी आकाशवाणी दी वेबसाइट www.newsonair.gov.in पद पर उपलब्ध ऐ।

<><><><><><>

DC Rajouri-Highway Projects

रजौरी दे डिप्टी कमिशनर अभिशोक शर्मा होरें जिले च राष्ट्रीय जरनैली सिड़क दे निर्माण ते उसी चैड़ा करने जनेयी राष्ट्रीय परियोजनाएं सने होरनें जारी कम्में च हासल प्रगति दा जायजा लैने आस्तै कल बक्ख-बक्ख मैहकमें दी इक व्यापक समीक्षा बैठक लाई। इस मौके उनें राष्ट्रीय जरनैली सिड़क परियोजना दे बक्ख-बक्ख हिस्सें दा कम्म तय समे-सीमा दे अंदर-अंदर सबूरा करने दे महत्वै पर जोर पाया। उनें आखेआ जे सब्बनें मैहकमें गी किट्ठे रलियै कम्में गी तोढ़ चाढ़ना लोड़चदा ऐ तांजे इस परियोजना च पेश आवै करदी रूकावटें गी दूर कीता जाना जकीनी बनाया जाई सकै।

<><><><><><>

DC Doda

डोडा दे डिप्टी कमीशनर हरविंदर सिंह होरें कल सामग्र शिक्षा अभियान दी अमलावरी दा निरीक्षण करने लेई बैठक रक्खी। इस बैठक दा मकसद इस अभियान दी अमलावरी दे निरीक्षण दे कन्नो कन्नी इस अभियान दे उनें खेत्तरें पर बी कम्म करना हा जिंदे च सुधार करने दी लोड़ ऐ। इस बैठक दरान जिला विकास कमीशनर होरें इस अभियान दे बक्ख-बक्ख हिस्से जियां ढांचागत विकास, टीचर ट्रेनिंग, डिजीटल पैहलकदमियां जियां आघाज लैब्सस्मार्ट क्लासां, कम्प्यूटर राएं सिखलाई, आईसीटी लैब्स, अटल थिंकरिंग लैब्स ते सोलर प्लांट प्रणाली समेत होरने हिस्सें दा बी जायजा लैता।

<><><><><><>

DC Poonch

पुंछ दे डिप्टी कमीशनर विकास कुंडल होरें कल डीसी दफ्तर परिसर दे कांफ्रेंस हाल च समाज विकास विभाग दे कम्में काजें दा निरीक्षण करने आस्तै बैठक रक्खी। डीसी होरें इस विभाग दे बक्ख-बक्ख अभियानें दी रमानदारी आले ढंगै सिर अमलावरी दे महत्वै उप्पर जोर पाया की जे एह स्कीमां लोकें दी भलाई बेह्तरी आस्तै बनी दियां न ते इनेंगी तोड़ चाढ़ना बड़ा गै जयरी ऐ। डीसी होरें बक्ख-बक्खपैहलकदमियां जिंदे च चजीफा, पैंशन ते समाज दे कमजोर समुदायें आस्तै बने दे अभियान बी शामिल न उंदा बी निरीक्षण कीता। एह्दे शा पैहले समाज कल्याण विभाग दे अधिकारी वकील अहमद भट्ट होरें मैहकमे च होए दे कम्में

दे बारे ते किश मुख् अभियानें जिंदे च एनएसएपी, एकीकृत सामाजिक सुरक्षा योजना ते एसएमएस शामिल न।

<><><><><><>

Kho Kho

खो खो विश्व कप 2025 च भारत दी पुरुष ते महिला टीमां सैमीफाइनल च पुज्जी गेइयां न। नमीं दिल्ली च होआरदी प्रतियोगिता च भारत दियां दवै टीमां हुनै तोड़ी सब्बने मैचें च जेतू रेइयां न। भारत दी पुरुष टीम नै कल इंदिरा गांधी इंडोर स्टेडियम च श्रीलंका गी 40–100 दे बड्डे स्कोर कन्नै हराया। रामजी कश्यप गी मैच दा बेस्ट प्लेयर ते वी.सुब्रामधियम गी बैस्ट अटैकर अवार्ड दित्ते गे। श्रीलंका दे शशिनाडू गी बैस्ट डिफेंसर घोषत कीता गेआ। जोआई भारत दी महिला टीम नै बंग्लादेश गी 109–16 कन्नै करारी शिरकत दित्ती।

<><><><><><>

Weather

मौसम विभाग नै औंदी 20 ते 21 जनवरी गी प्रदेश दिएं टांमी टांमी थाहरें पर हौली बरखा बरने जां बर्फबारी दे असार दस्से न। मौसम विभाग मूजब 22 ते 23 जनवरी गी जम्मू संभाग दे पदरें इलाकें च हौली थमां दरम्याने दर्जे दी बरखा बरी सकदी ऐ ते केई उच्चे पहाड़ी इलाकें च बर्फबारी दी बी मेद ऐ। तोआई जम्मू–श्रीनगर राश्ट्री जरनैली शिड़क एनएच–44 पर गड्डिएं दी आओजाई दौने बक्खी दा बवस्था आहले ढंगै नै जारी ऐ। ऊआं लोकें गी एह सलाह दित्ती गेई ऐ जे ओह अपनी अपनी लेन च पूरे अनुशासन कन्नै गड्डी चलान ते दिनै दे बेल्ले गै सफर करन। तोआई राजौरी ते पुंछ जिलें गी कश्मीर घाटी दे शोपियां जिले कन्नै जोड़ने आहली ऐतिहासक मुगल रोड केई थाहरें पर भारी बर्फ किट्टी होने करी अजें बी गड्डिएं दी आओजाई लेई बंद ऐ।

<><><><><><>